

PROTOCOLOS DE VIXILANCIA E CONTROL EPIDEMIOLÓXICO FRENTE AO VIRUS SARS-CoV-2 (COVID-19) NO ÁMBITO EDUCATIVO NON UNIVERSITARIO DE GALICIA

Dirección Xeral de Asistencia Sanitaria

Santiago de Compostela, 06 de Outubro de 2020

Este documento estará en permanente revisión e actualización e dispoñible na páxina web corporativa do Servizo Galego de Saúde a través da seguinte ligazón:

<https://coronavirus.sergas.gal/>

Versión 1: 03/09/2020

Versión 2: 06/10/2020 (en vigor)

INDICE

1. OBXECTIVO

2. PROCEDEMENTO DE MANEXO DO CASO SOSPEITOSO

2.1. Abordaxe do caso sospeitoso cando está fora do centro educativo (ANEXO 1)

2.2. Abordaxe do caso sospeitoso cando está no centro educativo (ANEXO 2)

3. PROCEDEMENTO DE MANEXO DO CASO CONFIRMADO E SEGUIMENTO DOS CONTACTOS (ANEXO 3)

Quen conforma a rede de contactos nos centros educativos?

Quen identifica os contactos estreitos nos centros educativos?

4. ACCESO A INFORMACIÓN RELACIONADA CO VIRUS SARS CoV-2 E A COVID-19.

4.1. Recursos formativos aos equipos Covid dos centros educativos e á comunidade educativa.

4.2. “Equipos COVID Escolas”

4.3. Ante un gromo escolar

1. **OBXECTIVO**

O obxectivo do documento é servir de guía para a detección e manexo do alumnado, persoal docente, persoal non docente e conviventes con sospeita/confirmación de infección por SARS-CoV-2.

2. **PROCEDEMENTO DE MANEXO DO CASO SOSPEITOSO**


2.1. **Abordaxe do caso sospeitoso cando está fora do centro educativo (ANEXO 1)**

Tanto os alumnos/as, como o persoal docente, persoal non docente e os conviventes deberán realizar diariamente a “Enquisa de autoavaliación clínica do Covid-19”, na que se valoran os síntomas que se presentan con maior frecuencia na Covid-19 (febre maior de 37,5°C, tose seca, dificultade respiratoria, fatiga severa, cansazo, dor muscular, falta de olfacto, falta de gusto, odinofaxia e diarrea), o que permitirá detectar precozmente a sospeita de ter infección por SARS-CoV-2.

De presentar calquera destes síntomas non deberán acudir ao centro escolar, informar ao centro educativo e facer obrigatoriamente illamento.

Así mesmo, poñeranse en contacto en 24/48 horas co seu centro de saúde ou consultorio médico para solicitar unha consulta telefónica co seu pediatra, médico de atención primaria, mutua, se non consegue contactar pode chamar ao 881002021. No caso de sintomatoloxía grave ou dificultade respiratoria severa e de inicio brusco, chamará ao servizo de urxencias/061. Os profesionais sanitarios serán os que valorarán a clínica, e prescribirán a realización das probas que consideren necesarias para confirmar o caso, que deberá seguir as indicacións do persoal sanitario correspondente.

Para documentar a ausencia por cuestións sanitarias derivadas da Covid-19 non será necesaria ningún xustificante médico, abondará co comprobante dos/as pais/nais ou titores/as legais. As ausencias derivadas desta causa terán a consideración de xustificadas aos efectos do protocolo de prevención de absentismo escolar.



2.2. Abordaxe do caso sospeitoso cando está no centro educativo (ANEXO 2)

Os alumnos/as, persoal docente, persoal non docente que presenten sintomatoloxía compatible coa Covid-19 estando no centro educativo (febre maior de 37,5°C, tose seca, dificultade respiratoria, fatiga severa, cansazo, dor muscular, falta de olfacto, falta de gusto, odinofaxia e diarrea) serán considerados casos sospeitosos de infección por SARS-CoV-2, e deberán ser trasladados, á sala habilitada para o illamento con máscara cirúrxica, e acompañados dun profesor que tamén levará máscara cirúrxica. Como excepción, a persoa acompañante utilizará bata desbotable, máscara tipo FFP2 xunto cunha pantalla, no caso de que o alumno estea exento do uso da máscara por xustificación médica ou se trate dun/ha alumno/a de entre 3 e 6 aos, sen obrigatoriedade do uso da máscara. Esta sala de illamento deberá ter unha ventilación axeitada e estar provisto de xel hidroalcohólico, panos desbotables e papeleira de pedal.

Contactar co responsable do “Equipo COVID do Centro Educativo”.

Simultaneamente, o responsable de este equipo, deberá informar da situación a familia ou persoa de referencia, que deberá presentarse no centro a maior brevidade posible para levalo ao seu domicilio.


A continuación, a familia, persoa responsable ou o propio paciente (se está en condicións) poñerase en contacto telefónico co seu pediatra, médico de atención primaria, mutua. Se non conseguise contactar pode chamar ao 881002021. No caso de sintomatoloxía grave ou dificultade respiratoria severa de inicio brusco, chamará ao servizo de urxencias/061.

A persoa con síntomas compatibles coa Covid, considerase caso sospeitoso e deberá permanecer illado no seu domicilio ata dispoñer dos resultados das probas diagnósticas. Tamén permanecerán no domicilio os irmáns/as do caso sospeitoso escolarizados no mesmo centro ata o resultado das probas, por ser contactos familiares conviventes.

Os profesionais sanitarios serán os que valorarán a clínica, e prescribirán a realización das probas que consideren necesarias para confirmar o caso.

COVID-19
CIRCUÍTO DE ACTUACIÓN ANTE UN CASO SOSPEITOSO DE INFECCIÓN ACTIVA POR SARS-CoV-2
DUN ALUMNO/PER SOAL DOCENTE/PER SOAL NON DOCENTE NO INTERIOR DO CENTRO EDUCATIVO

ANEXO 2



3. PROCEDIMENTO DE MANEXO DO CASO CONFIRMADO E SEGUIMENTO DOS CONTACTOS (ANEXO 3)

No caso da confirmación diagnóstica dun caso de Covid-19 os profesionais sanitarios de atención primaria poñeranse en contacto co paciente ou a súa persoa de referencia (pai, nai, titor, ...) para informarlle do resultado positivo das probas, realizar o seguimento clínico e facer fincapé nas medidas hixiénicas e de illamento. Ademais, se as condicións socio-sanitarias o permiten, e o paciente ou a persoa responsable da o seu consentimento, serán incluídos na plataforma TELEA para o seguimento do paciente de forma telemática dende o domicilio do paciente.

A denominada central de seguimento de contactos (CSC) poñerase en contacto coas persoas de referencia (pais de menor de idade, titor, ...) ou directamente no caso dos alumnos maiores de idade, para a identificación do centro de ensino. No caso do persoal docente e non docente, deberán ser identificados como profesionais do ámbito educativo e en que centro traballan.

Unha vez localizado o centro de ensinanza, enviarase a listaxe de confirmados ao “Equipo COVID centro educativo” (ECCE), a través da aplicación “EduCovid”, xunto coa solicitude de que lle envíe a listaxe de contactos estreitos do centro escolar.

Para elaborar esta listaxe o ECCE definirá a “**Rede de contactos**” de cada alumno/a confirmado que incluírá: compañeiros de clase, de comedor, de transporte, profesorado e outros (coma os recreos, etc...).

Unha vez definida a rede de contactos polo ECCE, este poñerase en contacto coa Xefatura Territorial da Consellería de Sanidade da provincia correspondente, para concretar quen son os contactos estreitos.

O período a considerar é dende 2 días antes do inicio de síntomas do caso ata o momento en que o caso é illado. Nos casos asintomáticos diagnosticados por proba diagnóstica de infección activa por SARS-CoV-2 (PDIA), os contactos buscaranse dende 2 días antes da data da realización da toma de mostra para o diagnóstico.

A continuación o ECCE enviará a listaxe final de **contactos estreitos** á CSC, a través da aplicación Educa-COVID. Lembrar a obrigatoriedade de extremar a confidencialidade profesional acerca da información do menor.


A ECCE tamén informará ao “Equipo COVID escola” do seu centro de saúde de referencia da presenza dun caso positivo.

Quen conforma a rede de contactos nos centros educativos?

A definición da rede de contactos nos centros educativos establecese por aquelas persoas situadas a menos de 2 metros da persoa Covid positivo. Esta labor é a establecida para os Equipos Covid dos centros educativos.





1. **No caso do transporte escolar:** establecerase un radio de 2 metros para a identificar a rede de contactos de cada un dos/as alumnos/as





2. **No caso de aulas, laboratorios, comedores e outros espazos:** adoptarase o mesmo criterio do radio de 2 metros arredor da persoa positiva.



Quen identifica os contactos estreitos nos centros educativos?

A identificación dos contactos estreitos implica a avaliación individualizada doutras variables como o uso correcto da máscara, entre outros. **Só a Autoridade Sanitaria (neste caso a Xefatura Territorial) pode identificar os contactos estreitos e decretar a corentena dos individuos.**


Os criterios xerais do Servizo Galego de Saúde para a identificación dos contactos estreitos son os seguintes:

- **No primeiro ciclo de educación infantil**, entenderase contacto estreito a todas as persoas pertencentes ao grupo de convivencia estable, dado que neste ciclo, non hai obriga da utilización da máscara.
- **Para os niveis do segundo ciclo de educación infantil e restantes por encima dos 6 anos**, identificarase como contacto estreito a calquera persoa que puidese compartir espazo co confirmado a unha **distancia <2 metros** arredor do caso durante **mais de 15 minutos** salvo que se poida asegurar que se realizou un **uso adecuado da máscara**. A avaliación do uso adecuado da máscara será realizada polo profesor/titor da aula e/ou o responsable COVID-19 do centro educativo.
- **Os conviventes dos casos confirmados.**
- **Calquera profesional do centro educativo**, profesor ou outro traballador. Que compartise espazo cun caso confirmado a unha distancia <2 metros do caso sen a utilización correcta da máscara durante mais de 15 minutos.

Unha vez recibida a listaxe, a CSC, comunicaranse coas persoas propostas como contactos estreitos e realizaralle a enquisa epidemiolóxica, seguimento telefónico e detección de casos sospeitosos.

O seguimento dos contactos realizarase ata finalizar o período de corentena.

En determinadas situacións e tras a avaliación do risco, poderán establecerse pautas de seguimento específicas ante contactos estreitos que realicen actividades consideradas esenciais. Una vez estudados os contactos e establecidas as medidas de corentena para aqueles considerados como estreitos, as actividades docentes continuarán de forma normal, extremando as medidas de precaución e realizando una vixilancia pasiva do centro.



4. ACCESO A INFORMACIÓN RELACIONADA CO VIRUS SARS CoV-2 E A COVID-19.

4.1. Recursos formativos aos equipos Covid dos centros educativos e á comunidade educativa.

A Consellería de Sanidade elaborou os recursos formativos pertinentes co obxectivo de ofrecer os coñecementos necesarios aos equipos Covid e á comunidade educativa que permitan unha maior seguridade e maior información ao conxunto de alumnos, profesores e restante comunidade educativa.

- a) Vídeos formativos sobre a Covid. Elaboráronse 4 vídeos que contaron coa participación de un médico de familia e 3 enfermeiras especialistas en enfermería familiar e comunitaria na que expoñen as características da infección por coronavirus e as características na poboación infantil, medidas de prevención, vixilancia e control e interrelación entre os “Equipos covid-escolas” e os “Equipos covid dos centros educativos”.
- b) Documentación de lectura sobre curso de formación para os docentes.
- c) Material de diapositivas para a exposición por parte do profesorado ao resto dos profesionais, se fose necesario.

4.2. “Equipos COVID Escolas”

Os equipos COVID escolas están formados polos profesionais sanitarias do centro de saúde considerado como referente para cada centro docente.

A este equipo poderán consultar os “Equipos Covid dos centros educativos” todas aquela dúbidas que poidan ter relación co virus SARS-CoV-2 e a enfermidade COVID-19.

4.3 Ante un gromo escolar

En caso de identificación dun gromo ante as posibles dúbidas deberá chamarse á Xefatura Territorial da Provincia/Servizo de vixilancia epidemiolóxica ou ao Servizo de Alerta Epidemiolóxica de Galicia (SAEG).

Ver enlace <https://coronavirus.sergas.gal/Contidos/Protocolo-Covid-centros-educativos>